


來安縣志



重修來安縣志序

志也者政教之跡一邑之志一邑之政教係馬來自明令
魏君大用初修邑志嗣周君之冕伍君斯瓚又先後續輯
可云備矣惟伍志後迄今又九十年其間興廢舉墜月異
日新與夫文人碩士宦績選舉忠孝節義之有待於表章
者不可勝紀及今弗續將久而失傳有職其咎者矣壬午
冬予涖茲土越癸未夏奉

中丞雲汀陶公檄修安徽通志刊發採訪程式徵稿於郡
縣當取舊志再三校勘見其體例未備考据未詳非質之

全史無以正沿襲之訛非練以積年無以臻撰次之美因
鞅掌簿書未遑及之秋間予同懷弟翰來署來之人士以
翰嘗於嘉慶己卯庚辰間協予在籍續修益陽志稱詳密
議令主稿而予亦深幸檢校之有人也於是始搜羅書史
取舊志反覆參閱而增訂之迨甲申冬稿漸有緒予適奉
調婺源淝水雪樵張君署縣篆時人物藝文等志纂輯未
全鐫刻諸費亦未裕遂於乙酉春屬瀚於張君以嚴其事
稿成張君復委序於予謂予始事者也予始之究未終之
翰之此稿能否如益陽志之稱詳密予未敢遽信也哀諸

至是以匡予不逮是所望於後之君子
賜進士出身

特授來安縣知縣調知婺源縣事益陽符鴻謨



增損符前縣重修來安縣志稿序

來安志魏君大用初創之全書不可得見矣其畧當併於周志周君之冕繼修之全書亦不可得見矣其畧猶存於伍志伍志者雍正乙卯伍君斯瓚令邑時屬司諭項世榮偕邑六生為之符稿謂之舊志是也舊志歷今近百年百年之間不可以弗識志即不可以弗續自道光癸未

雲汀陶中丞檄徵彙入通志之事於州縣且命之各續其志前縣符君鴻起甲申以其弟明經瀚主稿搜羅採輯續舊志後九十餘年當識之事並援据考辨訂舊志之缺且

三

訛者三易寒暑符君已調任婺源載餘矣明經仍留嚴事其用意勤其取材多矣惟始也以求詳之故失之繁如建置沿革舊志僅一紙許乃因詳考來邑建置涉及旁郡縣輒就旁郡縣生枝節累至三十餘紙而所宜詳者轉或未詳此其稿不無可損益者一也其繼也以欲速成之故失之雜如人物藝文率皆取辨臨去未暇決擇摭拾編次轉有宜志之人宜志之文缺弗載焉又其稿不無可損益者一也槐於丙戌冬季來視邑事聞其付梓無幾費中缺初第謀所以雕鏤之者迨丁亥春得孝廉方正生員馬錦雲

肩鐫費適逢今

中丞檄文補徵通志局內軼事為其事不可再緩也亟開卷閱之欲復得數事申送省局及見有可損益處在並檢卷眉曾自註俟改字樣數十條日子任雕鐫不得以不文憚損益勞不為謀善本也僭以己意別次日錄為手訂人物藝文二門及輿地門建置沿革疆域形勢三篇餘盡屬之邑舉人原任潁上縣訓導事賀彝鼎邑進士歐陽泉邑歲貢生戴宗矩損益之於今戊子二月上旬書成付剞劂焉然非符稿予無所施其損益設使以予成初稿其可損

四

可益者又未必不多於符稿也故仍以符序弁簡端謂此志為增損符稿而修以請裁定於

上臺俾後之官斯土者與邑人士咸備考覽云

大桃一等舉人

特授來安縣知縣沅水劉廷槐誤



重修來安縣志序

安徽向隸江南分省後無專志陶雲汀張蘭渚鄧嶰筠三中丞相繼纂修安徽通志並檄所部各修郡縣志送局備採將以徵一邦之文獻覘全省之風俗甚盛舉也來志自雍正乙卯重修後闕未紀者近百年矣道光癸未邑侯益陽符公奉檄重修與其弟禹門明經蒐羅摭摭再歷暑寒稿粗就符侯調任星江仍留禹門歲厥事無何禹門聞符侯疾匆匆辭去事幾寢丙戌冬汜水劉公來治吾邑公餘取符稿詳加檢閱謂其體例已具考覈頗詳惟徵引太繁

五

未合事增文減之旨因重加釐訂成若干卷寄聲來索序夫桑梓敬恭古義也沅不敢序然亦不敢辭竊惟邑志輿地營建食貨學校諸門風俗之所本也人物選舉節孝藝文諸門風俗之所徵也昔宋歐陽公刺滁極道滁州風俗之美是時滁為清流全椒來安郡名來即滁也滁之風俗即來之風俗也大抵吾鄉風俗曰質曰厚曰尚古道方今治教昌明又得賢父母鼓舞而振作之度幾吾邑人永葆此數百年相承之風俗毋勝質以文毋易厚以薄毋厭古人而趨習尚則今之志匪惟紀其事而已必將使輜軒者蒞止

謂來安今日之風俗猶是歐陽公治滁時之風俗於以採
入通志雖山陬小邑亦足昭我

朝一道同風之盛豈不懿歟爰郵寄數言附諸簡
賜進士出身

誥授通議大夫直隸按察使署布政使前翰林院庶吉士邑
人戴宗沆謹於保陽官舍



來安縣志凡例

一州縣志例各處不同地有異宜事有異制而書亦因之來邑地僻事簡志內門目班部皆參取他志及舊本周志伍志斟酌變通以歸核實

一是書首輿地志為地記也地之疆域待人而分山川待人而名規模制度於是乎始故營建次之郡縣既定設官師以任民事故職官表次之民事首重乎養故食貨次之溝洫與食貨相表裏故水利次之食裕而教與皆官師責也故學校次之兵事亦受成於學

七

故武備次之教養盡善人材出矣故選舉表次之人材中有懿行奇節均宜表著也故人物傳次之列女傳亦類次之養民教民而至於科名盛節義多官師之績茂矣故名宦傳次之藝文末務也又次之而以雜志終焉

一舊志沿革甚畧今博考史傳正訛補闕增訂者十之八九並立沿革表以符志體

一沿革惟六朝時最難明晰沈約謂一郡一縣割成四五四五之中亟有離合千回百改巧歷不美在當時

固已譏之矣志內引証雖多只據可知者言之有當
存疑者附注於下

一志載十景本非通例以舊志有圖仍存之採舊說附
形勝篇

一志載古蹟惟廢城故壘最重考沿革者所必資也至
名流道跡舊說所有者分別存之無者更不附會

一舊志有井泉一門為官為私日久易混徒啟事端故
畧之有必當載者散附各條下

一田賦為國用所出民命所關舊志及舊檔冊藉悉資

八

考証不可畧也備載之而以道光七年安徽藩司較
定司縣案為準

一徭役為政體所不廢而胥吏因緣為奸遂多額外派
累今以近年除累各條件附載備登

一州縣志多不紀蠲賑以事關天下或數州數郡非一
邑所能專也舊志有此一門今沿其例惟不及前代

斷自 國朝順治初年為始以昭 曠典

一邑內義田均係邑人創立善舉助公事所不及經理
得宜人沾實惠已種善緣何利如之所有各處捐產

及議定各規條詳悉登載以為好義者勸

一來邑水利無多水患則圩田為甚朱家山河雖不在縣境而議除民患者必兼及之故仍舊志載於篇並以圩田圖說開河記附後

一文廟祭儀樂章及送學賓興諸儀雖屬各州縣所同然士子必能習於平時始能謹於臨事故從他志例備登之

一來邑在前明時驛遞屯政馬政累氏滋甚舊志載之固司牧者得失之鏡也今亦存而不削

九

一志係官書非私家譜牒可比舊志每作一傳輒上溯祖父下逮子孫現存之人一概附綴以史記王侯世家唐書宰相世系表為例則失之僭以行狀墓誌為例則近於諛不特史無此體即各州縣志亦無此體也改從簡約庶不為有識所譏爾

一舊志有耆碩慈壽二門凡無可入志而求入者俱藉此位置之殊不免於徇濫且耆碩二字名義太尊非可施之尋常士庶慈字亦非官書所宜稱頌改為耆壽女壽義尚可通其甄錄之例各見本篇

一婦女節孝在所必錄然內言不出原無實事可徵迨舉報請旌類多襲用套語而作志者逆承用之敷衍陳因亦勢使然也現在來邑奉檄彙請旌表俱屬年例已符志內無庸一一標注惟貞烈多可紀之蹟必詳書之

一節婦教子成名乃節孝之大端故傳內必兼書其子與他處不濫及子孫者各標一義

一藝文一門凡舊志所存及採訪所得擇其有關邑事者登之間有刪潤究不失本來面目其人現存者不

十

錄惟官師所作及邑人公牒不在此例

一來邑魏志周志伍志體例相承各載序文一篇於全書後後之君子追尋端緒可以得其畧矣

一志內稱舊志者統周志伍志言也有二志不同者別稱周志伍志至凡所引州志則康熙癸丑滁志也通志則乾隆丙辰江南通志也篇中不復細標總識於此

一伍志現在尚全周志僅見賦役祀典年表兵防風物外紀異紀七門又李錫賢志稿六十頁嚴鐘銘志稿

三十頁雖非足本均文獻之徵云

一是書每門各有子目每日各成篇幅閱者或有續增
或有考訂均可接紙尾書之所續者多頁數不妨重
出

一符前縣張署縣任內士民捐輸修志費共收陸百餘
千業已盡數開除載明印簿此次另刻新稿雖與前
項無涉然捐助符稿之功不容沒也附識於此以存
其概姓名自有原簿可考

來安縣志目錄

卷首 輿圖 縣境 城郭 縣署 學官 形勝

卷一 輿地志 建置沿革 沿革表 疆域 星野北極高 度表附

形勢 名勝附 山川

卷二 營建志 公署倉庫附 城池街道市集附 坊表 鄉都

壇廟寺觀 古蹟 義塚附 津梁

卷三 職官志表 文職 武職

卷四 食貨志上 戶口 風俗附 田賦 徭役附

卷五 食貨志下 物產 養山蠶法附 倉儲 蠲賑 祥異附

伐蛟說捕蝗章程附 義田 各款規條附

卷六 水利志 塘沛 圩壩 圩田圖說 朱家山開河記附

卷七 學校志 學宮建置 藏書 祭器 祭品

祭儀 樂章 學額 學田 送學儀

賓興儀 鄉飲酒禮 鄉約 書院義學附

卷八 武備志 兵防 駐防 教場 塘汛 舖司驛遞附

屯政 馬政附

卷九 選舉志表 薦辟 科目 武職 應例 封贈

土職

卷十 人物志 傳

鄉賢

宦績

孝義

義行附

儒林

文苑

方技

耆壽

流寓

釋道

卷十一

列女志

節孝

女壽

卷十二

名宦志

傳

縣令

簿尉

師儒

卷十三

藝文志

集文

集詩

卷十四

雜誌

考辨

拾遺

正誤

卷末

跋

舊序


文目附存

採輯姓名

來安縣志卷首


輿圖 縣境 城郭 縣署 學宮 形勝


縣境圖



圖

十五





圖

縣城圖